

BARGOBIERGASAT

Sárgunbábir. Geavat dakkár báhpára, mii orru leamen vuohkkasamos sárgut juste dutnje.

Ráidogovvasiidu hábmejuvvo liánttain. Geahččal mii liántagarasvuodaid heive buoremusat du bargovuohká. Gumme ja čohkanbierrgas leat buorit veahkkeneavvut.

Ráidogova loahpalaš sárgun dáhpáhuvá tuššadearrásiin, njuodanasain dahje filta-beannain. Dearrásiin ja njuodanasain beassá buoremus loahppabohtosii, ellosut sárgái. Dearrásat leat mánggat iešgudetláganat, njuodanas galgá leat geahčenjuodanas.

Filtabeannaid lea álki geavahit ja dain fidne buori luotta. Dat leat goittotge divrasat ja sárggodettiin dat gollet johtilit. Geavat 0,5-0,8-sturrosas beannaid tuššemii ja gassa beannaid čáhpes bajožiid deavdimii.

Njuodanasaiquin ja tuššadearrásiiguin geavahit bođutušša. Dat lea čáhceluvvi sárguntušša (Indian Ink). Vilges gokčanivdni lea buorre veahkki smávva feailaid divvumii ja vilges sárgáid sárgumii čáhpes bajožii.

Linjala ja pássára atnet veahkkin hábmemis, muhto dájvá sárgut gesset loahpalaš tušša-sárgá friddja gieđain liántasárgá mielde. Ná sárgás šaddá ellosut.

Beannaniibi lea anolaš faskun- ja divvunbierrgas. Čáhpesvilgesbarggus sáhtát čuohppat duokjasa feailasaji ala ja liibmet dan dasa.



Cmyk-fila 300 dpi



Čáhpes ivdni 1200 dpi

IUVNEN DIHTORIIN

Čáhpes ivnniin tuššejuvvon álgošárgun lea A3 sturrosas. Dat skánnejuvvui 1200-dpi-resolušuvnmain Black and White dahjege sárggissárgunhápmái. Dan manjá skánnejuvvon govva unni-duvvui govvgieđahallanprográmmas 300 dpi-sturrodahkii ja nuppás-tahttojuvvui ivdnehápmái. Čáhpes sárggissárgun čuhppojuvvui ja biddjojuvvui iežas dássin ja das dahkkojuvvui čađačuovgi. Čáhpes dásis válljejuvvojedje dan manjá háliiduvvon sajit, dat buoiduduvvojedje 2-4 piksela veardde ja ivnnit biddjojuvvojedje vuolit dássái. Loahpas čáhpes dássi čihkkojuvvui ja ná ožžojuvvon ivdneoriginála vurkejuvvui iežas cmyk-fiilan. 1200 dpi sárggissárgun ja 300 dpi ivdneoriginála ovtastuvvojedje dárkilít sadjásis bardinprográmmas. Ná ožžojuvvui prentenoriginála, masa 1200 dpi sárggissárguma ánsuss bohte čielga ravdasázut.

IDEAID DAHKAN JA GIEHTAČÁLLIN



Čearret. Kuvatoimisto Rodeo Oy.

Iešgudetlágan dinggaid ja áššiid govaid gávnmat girjjiin, áviissain ja Interneah-tas. Jus du máinnas gullá man nu dihto fáddái dahje áigái, ane govaid ávkin sárggodettiinat. Seamma gálduin gávnmat maiddái áššedieđuid, maid lasi-heapmi máidnasii dahká das duodalat. Ovdamearka; bajábealde lea čearret ja vuollin seamma loddí čuovvovás rabastaga ráidogovas.



1. Smiehta alcet oahpes ja miellagiddevaš áššiid sihke fáttáid. Oahpes ja geasuheadđi áššis lea álkit duddjot máidnasa go áibba amas áššis.
2. Interneahhta, girjjit, áviissat, ráidogovat, spealut ja TV leat buorit inspirašuvnna gáldut.
3. Beavválaš dinggat ja áššit addet lasseivnni ja ideaid máidnasii. Vaikko máinnas ii dáhpáhuvašiige dálá áiggis dahje oahpes birrasis, leat atnudinggat juohke sajis.
4. Oza dahje sárggo ieš oktonas govaid fáttás. Govva sáhtá leat máidnasa álgu dahje loahppa. Sáhtát maiddái bidjat govaid dan ortnegii go ieš háliidat ja smiehttat mo máinnas ovdána govvas nubbái.
5. “Girjeráđu lea ráidogovvasárgu universitehta.” Girjerájus gávdná girjjiid man beare fáttás. Dain oáčut lassedieđuid, mat dahket du máidnasis vuđolačča, duđalačča ja jáhkehahtti.
6. Čále máidnasa muitui juogo dáhpáhusortnegis dahje ovttaskas dáhpáhusan. Sáhtát maiddái giehtačállit sárgumii: sárggo fáddái laktáseaddji govvakollása ja daga seammás muituimerkejumiid.

HÁBMEMA OASSESUORGGIT:

- idea
- ulbmil? Makkár máidnasa háliidat muitalit?
- idea muituimerken sániiguin dahje tevdnensárggastagaiguin
- siidojuohku, ovttaskas siidduid dahje strihpaid (eanl. strip) hábmen, mii mange siiddus dáhpáhuvá
- dialoga, geahčastagat, ealli figuvrrat
- govvgiehtačálus. Hábme siidduid dahje strihpaid nu ahte smiehttat sierralágan molssaeavttuid, gč. sárggastattevdnema olgešbealde.

